

**Oraziun da Taizé:** la proscima oraziun de Taizé ven tignida en vendres ai 16 de november ales 20:00 tla capela a Oies.

**Oraziun:** en dedolönesc ai 13 de november ales 20:00 él te salf de calogna d'Al Plan la encuntada de reflesciun sön la Bibia con signor Sepl Granruaz. Düc canc é enviés y benodüs.

**KVW Senioreclub:** en jöbia (!) ai 15 de november ales 15:00 s'encunton te salf dles manifestaziuns d'Al Plan por sté adöm con n pü' d'aorela cörta y ciastagnada. Düc e der bel enviés da gní.

**Patrones Mareo:** ai 14 de november éra endo tan ennant; i jun sö la Val, "Lüch de Survisc" (Cians) a cena. Dötes os patrones, ince cheres co n'é nia scrites ete tla uniun seis der bel enviades da gní a passé na bela sera deboriada. Prenotesse cina ai 11 de november pa Veronika, ☎ 339 7325948.

**Envit:** ala presentaziun dal liber y dl'app "Jun a cianté" – 25 ciances tradizionales por mituns te 4 lingac", de André Comploi, en sabeda ai 17 de november ales 16:00 tal Istitut Ladin San Martin. Al sará ince da aldí cerces musicales dal vi.

**Raiun Sozial Val Badia - referat:** „Alla mamma rompi il braccio ... a me il cuore!“ en dedemesaledema ai 14 de november ales 20:00 te Raiun Soziosanitar a Picolin, con la dr.ia Giuliana Franchini, psicologa y psicoterapeuta dai mituns, esperta de tematices dla violenza sön les eres y sön i mituns y laora ince trep adöm ales scores y scolines. Al sará la poscibilité da baié diretamonter con na rapresentanta dal Sorvisc Ciasa dles Eres da Bornech y da odei la maniera de laoré te chisc caji dles colaboradesses dla Assistenza sozio-pedagogica te Raiun Sozial Val Badia.

**Curs de basa „Amministratore di sostegno/Sachwalter“** ai 20 y 22 de november dales 16:30 ales 19:30 te Raiun Sozial a Picolin. Al gnará dé informaziuns sön la normativa, sön les responsabilités y sön i doveis de n aministradú de sosten. Le curs é gratis y an pó se scrí ete anter i 16 de november sot ala mail: info@sostegno.bz.it

**Ocio:** l'apoteca d'Al Plan romagn slüta dai 18 ai 25 de november.

**Sei ernsthaft, bescheiden, höflich, ruhig, wahrhaftig.  
Rede nicht zu viel.  
Und nie von Dingen, wovon du nichts weißt.**

*Adolph von Knigge (1752-1796)*

**Döt le bun a:** a düc chi co á santennom y compless i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



Plata dla Ploania  
**La Pli de Mareo**  
Santa Maria dal Bun Consei

Ploian: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
www.unitepastorala.org

Ann B

11.11.2018 - 32. domegna ia por l'ann

n. 50

## Beac, chi co é püri dan da Idio; deache de d'ei é le regn dal ci. Alleluia.

📖 1 Resc 17, 10–16 | Ebr 9, 24–28 | Mc 12, 38–44


### Dal Vangelo do San Merch:

Te chel tomp <sup>38</sup>ti á Gejú dit ala gran meja de jont ch'al istruia: Stravardésse dai stüdiés dla lege! Ai va ienn con guanc lunc encerch, se lascia ienn salüde sön strada y sön plaza, <sup>39</sup>y oress tó ete i pröms scagns tla sinagoga y avei pa vigne past da festa i posc d'onur. <sup>40</sup>Ales vedues ti tolai söes ciases y s'astelenn sanc dijai oraziuns der lunges. Mo cotan plü döra sará la sontonza che ti aspeta. <sup>41</sup>Canche Gejú ea n iade sonté defrunt ala cassa dal'oferta, ciarâl pro coche la jont sciürâ scioldi tla cassa. Al n'ea trec de ric co gnea y co dea trep. <sup>42</sup>Spo él ince gnü na püra vedua y á sciüré ete döes de pices monedes. <sup>43</sup>Al á cherdé pomez sü discepui y á dit: Amen, i ves diji: Cösta püra vedua á sciüré tla cassa dal'oferta deplü co düc i atri. <sup>44</sup>Deache düc á ma sciüré ete val' ch'ai á dessorora, mo cösta era, co á apena da vire, ara á dé döt ci ch'ara â, döt so avei por vire.

### Oraziun dal de

*Periun! Dio onipotent y misericordius,  
nos sun töa proprieté y tö nes as scrit  
ete tla palma de töa man: ten dalunc da  
nos ci co é prigorius y tol demez ci co  
nes pesa söl'anima y söle corp, ch'i  
podunse, con le cör lede, fá töa orenté.  
Do cösc te periunse por nosc Signur  
Gejú Crist, to Fi, co é Dio y vir y regneia  
con te t'unité dal Spirit Sant por düc i  
secui dai secui. – Amen.*

(Lezionar B)



📖 Letöres dla 33. domegna ia por l'ann:

**Dan. 12, 1–3 | Ebr 10, 11–14.18 | Mc 13, 24–32**

## Edema liturgica dai 11.11. ai 18.11.2018

<b>DOM 11.</b>	<b>33. domegna ia por l'ann</b> <i>Martin da Tours, Marina</i>
<b>08:30</b>	<b>gran messa</b> por döta la ploania <i>oferta por i debojügnis dla ploania</i>
<b>14:00</b>	<b>funziun dal Bato de Lukas Obkircher</b>
<i>10:00</i>	<i>s.m. a Al Plan</i>
<b>Lön 12.</b>	<i>Íosafat, Renato, René, Diego</i>
<i>07:30</i>	<i>s.m. a Al Plan</i>
<b>Ded 13.</b>	<i>beat Carl Lampert, Stanislaus Kostka, Eugen</i>
<b>07:45</b>	<b>s.m.</b> dai scolari por les Püres Armes dal Purgatorio <b>s.m.</b> por † Berto Ellecosta, Longega
<b>Dem 14.</b>	<i>Alberich, Veneranda</i>
<i>18:00</i>	<i>s.m. a Al Plan</i>
<b>Jöb 15.</b>	<i>Albert le Gran, Leopold</i>
<b>19:30</b>	<b>s.m.</b> por fam. Gabriel y Anita Palfrader, lun <b>s.m.</b> por † Mühlmann Rosa, Baldessé/Kastelruth <b>s.m.</b> por † Fortunato Agreiter, Alnei
<b>Ven 16.</b>	<i>Margareta, Otmar</i>
<i>07:10</i>	<i>s.m. a Al Plan</i>
<b>Sab 17.</b>	<i>Sabeda de Santa Maria   Florinus da Matsch, Gertrud da Helfta</i>
<b>07:30</b>	<b>s.m.</b> por benefactors vis y defonti d'La Pli <b>s.m.</b> por † Rosa Marchetti, Sotru <b>s.m.</b> por les Püres Armes
<i>18:00</i>	<i>s.m. prefestia a Al Plan</i>
<b>DOM 18.</b>	<b>33. domegna ia por l'ann</b> <i>Segra dles basiliches de S. Pire y S. Paul, Roman</i>
<b>08:30</b>	<b>gran messa</b> por döta la ploania <i>oferta por la Caritas</i>
<i>10:00</i>	<i>s.m. a Al Plan</i>
<i>ampola:</i>	por fam. Rovara, Plans

<i>ministronc:</i>	▶ da doman y domegna: Samuel Erhard y Laura Palfrader ▶ da sera y domegna: Emilie Rigo y Maria Burchia
--------------------	---

<i>i recordun:</i>	Heinrich Paur, <i>Roma</i> + 12.11.2010 Irene Erlacher Pescoll + 13.11.2015 Otto Paul Erlacher, <i>Bornech</i> + 15.11.2017 Isidor Pedevilla + 16.11.2010 Fonso Rovara + 16.11.2011 Signor Martin (Raimund) Mühlmann, <i>Wangen</i> + 16.11.2012 Heinrich Daporta, <i>Graz</i> + 17.11.2015
--------------------	---



## Döes monedes, n valor zonza fin (Mc 12, 38–44)

### I ponsi do

*Ci co cunta por Gejú  
é la bona entenziun  
dal cör, co ti dá valüta  
ince ales pices  
cosses plü  
sciomples.  
L'emportant tla vita  
n'é nia dé trep,  
a Chelbeldio o al  
proscim, mo dé döt.  
Chelbeldio n'é nia  
encontont con na  
pert: al ô ch'i ofriunse  
sö nosta vita.*

### I preii ensciö

La cassa dl'oferta tal templ che tö, Gejú, conscidrâs tan avisa, pó gní confrontada con le tomp ch'i an ciáfé da vire. Al é desco en contegnidú che nos ciariun ete con dezijiuns, esperionzes, parores y operes. Al n'é trec co met ete trep, deach'ai se dá der da fá; ai fej de gran cosses, mo dá zonza cör y zonza ligreza ma por se lascé odei, por se sontí amirés y laldés da düc. Ai é desco i ric tal Vangelo: ai dá trep mo n'é nia de bun cör. Al n'é spo de chi co dá püch o nia y podess dé deplü. Por fraidité o prescia spaterleiai tomp y energies, mo ne se davagna nia la vita. Y spo n'él de chi co dá döt: püch o trep n'á nia emportanza. Ai é arjignés da daidé, á en bun cör y é encontonc, ne mosöra nia y n'é nia superbis. Nos sán che dan tü edli é chisc i plü ric y gragn te to Regn.

*Walter Cazzaniga, Parola amica – Il Vangelo della domenica per ragazzi*



## Vita de ploania y de paisc



### “I te cherdí con to ennom” dij le Signur.

La ploania d'La Pli tol sö con ligreza te söa comunité **Lukas Obkircher** (Baldessé) y ti fej les miús aodanzas ai geniturs Udo y Barbara: Idio, la Oma dal Ci y le Sant Patron acompagneii Osc möt con söa benedisciun y proteziun.

- **Joneza:** la Joneza met eniann endô da ji l'aziun de **San Mocherá** fora por les ciases. Les families co é enteressades dess i al lascé alessei **cina ai 30 de november** a Fidelis, ☎ 345 9498642. Ara gnará motüda a jí ma sce al é almanco 10 families co se lascia aldí.
- **Consei de Formaziun:** metun a jí en **curs de ladin (ortografia nea)** con Frenademez Ulrike dal Istitut Ladin. Al gnará tigní le **lönesc ai 19 y la jöbia ai 22 de november** dales 19:30 ales 21:00 te Ciasa dles Uniuns. Prenotaziuns: cina en domegna, ai 18 de november, ☎ 349 3820194. Cost: 10,00 €.
- **KVW:** le KVW d'La Pli met da jí **en domegna ai 18 de november**, ales 10:00 te Ciasa dles Uniuns, en referat sora la **“Desposiziun dal patient”** (Patientenverfügung) tigní da dr. Hermann Aichner (ex primar de ginecologia dal spitol da Sanciana). Al é cösc n tema de gran emportanza, porchel Ves enviunse der bel da tó pert.